

PROXECTO DE BASES PARA A CONCESIÓN DE AXUDAS AO ESTUDO
CURSO 2011/2012

PRIMEIRA: Constitúe o obxecto das presentes bases o regulamento do procedemento para a concesión de axudas ao estudo para o curso 2011/2012, coa finalidade de compensar ás familias deste municipio para afrontaren os gastos derivados da realización de estudos dos seus fillos e fillas, entendendo por tales: libros, material escolar e para actividades, roupa, calzado, gastos de transporte e similares.

SEGUNDA: O crédito que se destina a este programa, que se financiará con cargo á partida 2011.0.3.0.48200, é de 6.000,00 €.

TERCEIRA: Poderán solicitar estas axudas todos os estudantes que reúnan os seguintes requisitos:

- Estar empadroado no Concello de Monfero e ser fillo/a de pais que tamén o estean (alomenos un deles).
- Ter menos de 24 anos de idade e non exercer ocupación ou traballo remunerado.
- Cursar estudos de Educación Infantil, Primaria, Educación Especial, ESO, Bacharelato, Formación Profesional, ciclos formativos ou estudos universitarios.
- Pertencer a unha unidade familiar (pais e fillos que non exerzan traballo remunerado) cuxos rendementos de traballo, actividades e capital, nos termos do apartado H do modelo de declaración do IRPF correspondente ao ano 2010 (suma das casañas 455 "Base imponible xeral" e 465 "Base imponible do aforro"), non superen a cantidade de 18.000,00 €, mais 900,00 € por cada membro que a integre, ou ben que non tiveran formulado tal declaración por non acadar os seus ingresos o mínimo esixido para presentala con carácter obrigatorio.

CUARTA: As solicitudes presentaranse, no rexistro de entrada do concello, ata as 15:00 horas do día 15 de novembro de 2011, no modelo oficial que se xunta como anexo e que se facilitará nas oficinas municipais. As solicitudes deberán ir acompañadas da seguinte documentación (orixinais ou fotocopias compulsadas):

- Fotocopia do DNI do/a solicitante e do pai, nai ou titor cando aquel sexa menor de idade.
- Fotocopia do resgardo da matrícula do curso 2011/2012.
- Fotocopia da declaración da renda do ano 2010 dos pais do solicitante. Aqueles pais ou nais que non fixesen a declaración da renda do 2010, presentarán certificado de imputacións do IRPF expedido pola Axencia Tributaria, correspondente ao memo exercicio.
- Fotocopia do libro de familia
- Documento acreditativo das cualificacións académicas obtidas no curso 2010/2011.
- Certificación do número de conta bancaria ou fotocopia da libreta bancaria do solicitante, ou representante, á que se lle transferirá a cantidade que se conceda.
- Certificado de minusvalía, se fora o caso.
- Certificado INEM que acredite a situación de desemprego durante máis de 6 meses durante o ano 2011.

De se presentaren varias solicitudes por unha mesma familia, a documentación común se acompañará soamente á solicitude do fillo/a maior, facéndoo constar nas demais.

Non se admitirán as solicitudes que non se presenten no modelo oficial nin aquelas outras que se reciban no rexistro de entrada do Concello con posterioridade 15-11-2011. No caso de solicitudes defectuosas, concederáse un prazo de 10 días para emendar deficiencias, arquivándose sen máis trámites cando non se emenden os erros ou omisións.

QUINTA: As axudas serán concedidas por acordo da Xunta de Goberno Local, previo informe-proposta non vinculante da Traballadora Social, en función dos criterios que se especifican no baremo que aparece a continuación, distribuíndose o crédito en proporción á puntuación obtida por cada solicitante, cun máximo de 200,00€ por cada estudante de primaria e secundaria, e con 300,00€ para os demais.

- Capacidade económica da familia nuclear en renda per cápita, ata 10 puntos:

Para determinar a capacidade económica calcularase a renda per cápita da familia (pais e fillos que non exerzan traballo remunerado), en función dos rendementos de traballo, actividades e capital, nos termos do apartado H que figuran na declaración do IRPF do ano 2010 e que se valorará coa suma das casañas 455 e 465 desta. Cando non fixeran a declaración, se terán en conta os datos reflectidos na declaración persoal, cuxo modelo está dispoñible nas oficinas municipais.

Concederáse 10 puntos ás familias que non pasen de 1000,00€ en renda per cápita anual e un punto menos por cada 700,00€ máis de renda.

- **Número de membros, ata 5 puntos:**

Outorgarase da seguinte forma:

- 1 punto: familias de 2 membros
- 2 puntos: familias de 3 membros
- 3 puntos: familias de 4 membros
- 4 puntos: familias de 5 membros
- 5 puntos: familias de 6 ou máis membros

- **Distancia ata o centro de estudos (excepto nos casos de transporte escolar gratuíto e primaria), ata 10 puntos:**

Puntuarase cun máximo de 10 puntos a todos os estudantes que carecen de transporte escolar gratuíto, e con 0 puntos a aqueles que estudan ensinanzas obrigatorias.

- **Número de fillos/as estudando, ata 3 puntos:**

A puntuación asignarase da seguinte forma: 1 punto por fillo, 2 puntos para familias con 2 fillos (ambos cursando estudos), e coa máxima de 3 puntos ás familias que teñan 3 ou máis fillos estudando.

- **Cualificación académica, ata 3 puntos:**

O baremo da cualificación académica será o seguinte:

- 3 puntos: Alumnos con notas de Sobresáinte ou Notable.
- 2 puntos: Alumnos con notas de Ben, P.A. e Acada os obxectivos. Igualmente aqueles que se incorporaran este curso ao Centro Escolar Público.
- 1 puntos: Alumnos con notas de Suficiente.
- 0 puntos: Resto de alumnos e aqueles que non presentaran xustificantes.

- **Circunstancias especiais, ata 2 puntos:**

Se algún membro da unidade familiar (pais e fillos) ten unha minusvalía igual ou superior ao 33% puntuarase con 2 puntos adicionais.

- **Situación laboral, ata 2 puntos:**

Cando o pai/nai ou titor/a acredite a situación de desemprego durante máis de 6 meses no ano 2011, incrementarase a valoración con 2 puntos adicionais.

O acordo de concesión se publicará no taboleiro de anuncios municipal a efectos de notificación das axudas concedidas a todos os beneficiarios e demais interesados, e de presentación de reclamacións, no seu caso, polos que o consideren conveniente. Estas haberán de ser resoltas pola propia Xunta de Goberno Local.

A partir desta publicación comezará a contar o prazo de presentación no Rexistro de Entrada do Concello dos xustificantes (facturas, preferentemente, ou tickets), das axudas concedidas, que rematará o día 31 de marzo de 2012. Esta data poderíase prorrogar un máximo de tres meses, por acordo da Xunta de Goberno Local, nos casos en que se solicite e conste xustificación no expediente.

As xustificacións serán aprobadas por acordo da Xunta de Goberno Local, previo informe da Traballadora Social.

Os que non presenten a xustificación ou desistan de forma motivada e por escrito, dentro do prazo establecido nestas bases, entenderase que desisten da súa solicitude, que quedará, así mesmo, anulada.

SEXTA: As presentes bases publicaranse integramente no taboleiro de anuncios do Concello xunto co anuncio de convocatoria, inmediatamente despois de seren aprobadas pola Xunta de Goberno Local, a efectos de apertura da mesma e para que todos os interesados poidan examinalas e, no seu caso, presentar as súas reclamacións no prazo máximo de oito días hábiles. Así mesmo publicarse no B.O.P. un anuncio de exposición pública das bases, a partir do cal se iniciará o cómputo do prazo para a presentación de reclamacións.

SÉPTIMA: O incumprimento do disposto nas presentes bases, a falsidade ou ocultación de datos, ou non cursar os estudos para os que se lle concedeu a axuda, determinará a revogación e reintegro da subvención, sen prexuízo de que polo Concello se exerciten as accións oportunas contra os responsables.